

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZAVIDOVIĆIMA ODJELJENJE U MAGLAJU
Broj: 42 1 I 013014 24 I 3
Maglaj, 04.02.2026.godine

OPĆINSKI SUD U ZAVIDOVIĆIMA ODJELJENJE U MAGLAJU, sudija Seka Bradarić, u izvršnom postupku tražioca izvršenja nasljednika iza umrle Aiše Mrvoljak rođ. Delić, kći Bege iz Maglaja, Moševac bb, Sejad Mrvoljak sin Mehmeda kao tražitelja izvršenja i kao privremenog zastupnika tražitelja Samije Alibašić rođ. Mrvoljak i Rasima Mrvoljak, zastupan po punomoćniku Enis Muhamedović, advokat iz Maglaja, protiv izvršenika Husejina Husaković sin Bećira iz Maglaja, Moševac bb, zastupan po punomoćniku Eldin Bašić, advokat iz Maglaja, radi ostvarivanja nenovčanog potraživanja, donio je dana 04.02.2026.godine

Z A K L J U Č A K **O DRUGOJ PRODAJI POKRETNIH STVARI IZVRŠENIKA**

1. Određuje se ročište za **DRUGU** prodaju pokretnih stvari izvršenika, putem USMENOG JAVNOG NADMETANJA, za dan **16.03.2026.godine u 10,00 sati** u zgradi Općinskog suda u Zavidovićima, Odjeljenje u Maglaju, ul. Viteška bb, kancelarija broj 57.
2. Prodavat će se pokretne stvari izvršenika i to:
 - TV SAMSUNG SMART 75 INČA, po početnoj cijeni od 1.800,00 KM,
 - STILSKI NAMJEŠTAJ- TV KOMODA BEŽ BOJE, po početnoj cijeni od 2.500,00 KM.
3. Sudski izvršilac je dana 17.11.2025.godine obavio pljenidbeni popis i procjenio vrijednost pokretnih stvari o čemu je sastavio zapisnik. Zaplijenjene pokretne stvari ostavljene su na čuvanje izvršeniku uz zabranu za dalje raspolaganje.
4. Na zakazanom ročištu predmetna pokretna stvar se može prodati bez ograničenja u pogledu iznosa njene cijene.
5. Ponuđač sa najvećom ponudom dužan je platiti cijenu odmah nakon objavljivanja rezultata javne prodaje, osim ako sud zaključkom ne odluči drukčije. Ako to ne učini, drugi ponuđač će biti proglašen kupcem i biće dužan platiti cijenu koju je ponudio i tako redom dok ima ponuđača.
6. Sud će obustaviti postupak ako se pokretne stvari ne uspiju prodati ni na drugom ročištu.
7. Sud će u smislu člana 77. ZIP-a a u vezi sa članom 135. ZIP-a, zaključkom na zahtjev zainteresiranog lica, omogućiti razgledanje zaplijenjenih pokretnih stvari, te odrediti način i vrijeme njihovog razgledanja uz prisustvo sudskog izvršioca s tim da zahtjev mora biti podnesen u pisanoj formi 8 dana prije dana održavanja ročišta.
8. Na javnom nadmetanju pravo učešća imaju sva pravna i fizička lica izuzev lica iz člana 88. ZIP-a uz uvjet da su prethodno položila osiguranje koje iznosi 1/10 određene vrijednosti pokretnih stvari koje se žele kupiti. Od polaganja osiguranja oslobođen je tražilac izvršenja. Osiguranje se polaže na depozitni račun Općinskog suda u Zavidovićima otvoren kod ASA banka d.d. broj 134-030-0000061026 sa naznakom broja predmeta.
9. Ovaj zaključak objavit će se na oglasnoj tabli suda, a stranke o svom trošku mogu objaviti ovaj zaključak i u sredstvima javnog informisanja .

Sudija
Seka Bradarić
Za tačnost prepisa

Pouka o pravnom lijeku:

Protiv ovog zaključka nema mjesta pravnom lijeku.